

- 100 Бог тебе судия да пречистая его мати,  
 А впредь тебе за твое злохитрство немощно веры яти.  
 И усты своими, что ни глаголешь, все лжешь,  
 И сам на себе недобрую славу зовешь.  
 И многие люди знают твою ложь,
- л. 246 (327) 105 А и нам есть ныне стал ты, аки острый нож.  
 За таковое твое словесное досаждение,  
 За наше к тебе сердечное радение.  
 И уже нам вящши того писати к тебе несть треба,  
 Подобаает нам желати нужных тща (?) хлеба.
- 110 Аще и аер словес коми счинити,  
 А лукаваго и лестнаго добру не научити.  
 Сам о себе ответ богу даст,  
 А по делом его тако ему господь и воздаст.  
 Прости нас, грешных, во всех сих наших к тебе словесех,
- 115 А гордость и лукавство никого не поставит при небесех.  
 Аще же ти и тягостно сие наше речение возмнится,  
 Но последи радостно явится.  
 Понеже несть друг иже на друга своего гнев держит,  
 И совести<sup>2</sup> своея ему не объявит.
- 120 Мы же совесть свою тебе объявляем,  
 И твое лукавство и лесть, тако же пред тобою полагаем.  
 И в том нас не позазри, что пишем к тебе простовато,  
 Сам ты горазд писать мудровато.  
 Слышал, что хвалишиися своими усты,
- 125 И никого не поставишь против своея версты.  
 Мы же, грешнии и убозии, елико возмогаем,  
 Тако по своей убозей силе и начертаваем.  
 И несть треба писать сего витейно,  
 Добро тому, кто живет благоговейно.
- 130 И ни к кому нравом своим не лукав,  
 И того ради душею и телом бывает здрав.  
 И сие наше писанейце аще изволишь блюди,  
 А сам себе в своей совести суди.  
 Что таковыми еси своими словесы пред нами виноват,
- 135 А явился еси к нам аки некий супостат.  
 Но обаче бог тебе простит во всем,  
 А не простая реку, что не оскорбляли тебе ни в чем.  
 Прочее здравствуй всегда о Христе бозе,  
 И да сподобит тя стати при небеснем своем чертозе.
- 140 И во веки веков аминь,  
 А тот нелепый нрав свой от себе отринь.  
 Аще ли такова нарава от себе не отринешь,  
 То и паки многим людем постынешь.  
 Вящши паки того не имам, что писати,
- 145 Токмо достоин молчанию предати.  
 Во веки аминь.

(ЦГАДА, собр. Оболенского, № 250/455,  
 лл. 243 (324)—246 об. (327 об.)).

<sup>2</sup> Испр.; в ркп. своети.